



UNIVERSITÄTS-
BIBLIOTHEK
PADERBORN

Canones Congregationvm Generalivm Societatis Iesv

Jesuiten

Romae, M. D. XC.

Canones primæ Congregationis generalis.

[urn:nbn:de:hbz:466:1-68269](https://nbn-resolving.org/urn:nbn:de:hbz:466:1-68269)

CANONES
 EX DECRETIS
 CONGREGATIONVM
 generalium extracti, & iuxta
 ordinem Constitutio-
 num digesti.

CANONES PRIMÆ
 Congregationis generalis,
 auctoritate Quarta
 recogniti.

Decret.
61. Con-
gre.4.

Tit. 6.
Decret.
61.



NOSTRI, qui ante ingres-
 sum in Societatem habe-
 bant beneficia, non cogan-
 tur ea relinquere ante pro-
 fessionem, nisi iubente Ge-
 nerali, Commissario, vel
 Prouinciali post primum annum proba-
 tionis.

Circa
Exam.
cap. 4.
§.5.

Tit. 6.
d. 60.

2 Si quæ beneficia personis de Societa-
 te conferantur, siue curata sint, siue sim-
 plicia, ne admittantur.

Exam.
c.4. §.5.

Tit. 6.
d. 64.

3 Solus Præpositus Generalis auctori-
 tatem habeat regulas condendi, & alij eã
 duntaxat, quam ab ipso acceperint; &
 cum ea si quid ordinabunt, transmittant
 Præposito, vt id examinet; etsi videat ex-
 pedire, confirmet.

Circa.
i. part.
constit.
in pro-
cœm. de
cl. §. 1.

Tit. 2.
d. 1.

4 Cõstitutiones firmæ, ac ratæ habẽdę,
 & etiam obseruandæ sunt, prout in exem-

Proœ.
decl. §.
1.

A plari

2 CANONES PRIMAE

plari originali Patris nostri Ignatij habentur.

- Tit. 6. d. 50. 5 Seculares, qui emittunt vota in ordine militari vocato Christi, possint ad Societatem nostram admitti, licet credatur non emissuros professionem apud nos. P. 1. c. 3 §. 5.
- Tit. 6. d. 20. 6 In benedictione mensæ, & gratiarum actione sequendus est usus Romanus communis, & id in refectorio {nam in priuata & secunda mensa } antiqua consuetudo retineri potest; & non sededo, sed stando, benedictio, & gratiarum actio fiat. Circa 3 p. Cō sti. c. 1. §. 5.
- Ex 4. Congr. d. 71. 7 Habeantur amici, qui protectionem suscipiant Collegiorum; sed nomina, quæ iurisdictionem dicant, vitanda sunt, ne aliquando eorum aliqui plus satis sibi sumant. Circa 4 p. Cō sti. c. 1. §. 3.
- Tit. 6. d. 42. 8 Concedenda est sepultura in nostris Ecclesijs ijs, qui Collegiorū nostrorū fundatores extiterunt, vel fundationes iuuerunt: Principibus etiam, & Prælati, qui id voluerint; alijs autem personis, etiam benemeritis non est id sine facultate Præpositi Generalis concedendum. Quicumque tamen illi fuerint, non videntur ea officia pro eis publice dicenda, quæ pro nostris fratribus defunctis dicere solemus: & obseruetur ne cuiquam præiudicium fiat huiusmodi sepulturis, & vt nullus nostrum sponte se offerat ad eam licentiam petendam, & ne ius sepulturæ posteris eorum, qui ibidem

dem

dem sepeliuntur, acquirant.

Tit. 6. 9 In morte Principum, quando pro eis P. 4. c.
d. 41. exequiæ publicæ fieri solent per Ecclesias 1. S. 4.
Declara- ciuitatis, possunt in nostris Ecclesijs huius
tur in 4. modi exequiæ celebrari cum pheretro sine
Cong. pompa; celebrando scilicet Missas, vel si
d. 72. vsus patriæ habet, etiam recitando Officiũ
defunctorum modo nostro simplici, vt fie-
ri solet in sepulturis nostrorum.

Tit. 6. 10 Non expedit, vt Capellani, quibus P. 4. c.
d. 55. inferuiunt Clerici seculares, quos nostri 2. S. 4.
possint eligere, in nostris Ecclesijs eri-
gantur.

Tit. 6. - II - Modus imponatur ædificijs Domo- P. 4. c.
d. 34. rũ, & Collegiorũ, quod in nobis est, vt sint 2. S. 3.
Can. 9. ad habitandum, & officia nostra exercendũ
Cõg. 2. vtilia, sana, & fortia, in quibus tamen pau-
pertatis memores esse videamur; vnde nec
sumptuosa sint, nec curiosa. De Ecclesijs
tamen nihil dictum est.

Tit. 6. 12 Nostris præscribendũ non est, vt om P. 4. c.
d. 19. nes in eundem locum, orationis causa con- 4. S. 3. &
ueniant; quod de ordinaria oratione intel- 4.
ligitur, non de extraordinaria, quæ pro re
nata publice ad tempus institui potest.

Ex 4. { Cum Nouitijs tamen in oratione ante
Cõg. d. lecturam dispensari poterit, vbi Præpositus
70. Generalis expedire indicauerit. }

Tit. 6. 13 In initio cõcionũ semper salutetur B. P. 4. c.
d. 31. Virgo, siue proœmium præmittatur, siue 8. S. 3.
non. Superpelliceo autem vtendũ est in ver-

- Ex 4. concg.d. 14. concionādum, sola vero iuxta patriæ morem adhibeatur, vel non. In lectionibus sacre Scripturæ ad populum, superpelliceum est adhibendū { nisi in ijs regionibus, & locis, vbi in huiusmodi lectionibus non est superpellicei vsus }
- Tit. 6.d. 58. 14. Christiana doctrina canendo doceri potest, vbi ad maiorem ædificationem id fore obseruabitur. P. 4. c. 8. §. 6.
- Tit. 6.d. 39. 15. Cathedræ publicæ in Vniuersitatibus, aut alibi, cum ea disceptatione suffragiorum, & oppositione, quæ solet fieri, non sunt admittendæ: si tamen sponte offerantur ab Vniuersitatibus, aut Rectoribus earum, & gratis prælegatur, nec quisquam se opponat, cum quo sit disceptandum, admitti possent, consulto Generali. P. 4. c. 12. & 14.
- Tit. 6.d. 44. 16. Proponi, & dari possent munuscula quædam (quæ præmia vocantur) scholasticis externis, vt ea ratione inflāmentur ad studia litterarum: dummodo fratribus nostris ne dentur, nec externis nostro sumptu, & seruetur modus honestus, & religiosus. P. 4. c. 13. §. 3.
- Tit. 2.d. 21. 17. Constitutio Capituli decimi sexti quartæ partis, pertinens ad correctionem externorum scholasticorum, vt iacet est retinenda, & seruanda; sicubi tamen necesse fuerit, poterit dispensare Præpositus Generalis. P. 4. c. 16. §. 5.
- Tit. 6.d. 40. 18. In scholis nostris, cum Vniuersitatū curā suscipimus, eos etiā admittere debe-

mus,

mus, qui à Societate post emissã vota defe-
cerunt, nisi ex admissione graue scãdalum
sequeretur: de quo iudex erit Præpositus
Prouincialis.

Tit. 6. d. 19 Quæ insignia ferre debeant Docto- P. 4. c.
res, & Magistri de Societate in Vniuersita- 17. S. 8.
52.

19 Quæ insignia ferre debeant Docto-
res, & Magistri de Societate in Vniuersita-
tibus, cum publicis actibus præsentent, per-
tinet ad Præpositum Generalem determi-
nare, vt ipse Constitutiones Vniuersitatũ
declaret. Non tamen incommodum est, si
nostri in his publicis actibus portent ali-
qua insignia, in pileo præsertim, vt sunt fi-
la illa serica, quæ ponuntur in medio pilei.

Tit. 2. d. 20 Constitutiones quintæ partis circa Circa
22. professiones emittendas seruandæ sunt, 5. p. C. 6
nec cæremoniæ addendæ. lti. c. 3.
S. 2.

Tit. 6. 21 Institutio puerorum in Doctrina 5. p. c.
d. 59. Christiana, præter id, quod ad probatio- 3. S. 3.
Can. 20 nes pertinet, valde commendatur profes-
Cong 2 sis, vt hoc pium opus, iuxta litterarum A-
postolicarum, & Constitutionum rationẽ
exequantur. Pater quidem noster Ignatius
iniunxit singulis professis, vt semel per
quadraginta dies id facerent.

Tit. 6. 22 Vota, quæ nostri cum adhuc essent P. 5. c. 4.
d. 53. in seculo emisserunt, (agitur autem de
alijs, quàm de Religionis determinatæ)
in nostra Societate suspensa sunt, etiam si
per professionem non tollantur: & ita ob-
ligationem eorum cessare, dum in Societa-
te manent, intelligatur.

- Tit. 6. 23 Ea indumenti ratione utantur Coa Circa
d. 16. diutores temporales, qua ipsi à nostris Sa- 6. p. Cō
cerdotibus, & à secularibus hominibus di- lti. c. 2.
stinguantur; sitque vestitus eorū honestus §. 15.
- Ex 3. iuxta morem patriæ { & pileorum quidem b. d. n. T
Congr. ratio Generalis arbitrio relinquatur, sic ta 37
d. 32. men ut prædicta distinctio seruetur }
- Tit. 6. 24 Nostri barbam ne nutriant.
- d. 35. 25 Servanda est Constitutio tertij capi P. 6. c.
Tit 2. d. tis sextæ partis, quæ dicit; Vesperas canta- 3. §. 4.
25. ri posse, non itē Missam; & non nisi ex gra-
Can. uissima causa dispenset Præpositus Gene-
24. Cō- ralis, ut Missa cantetur, & id tantum Do-
gr. 2. & ralis, ut Missa cantetur, & id tantum Do-
Can. 9. minicis diebus, & festis. b. d. n. T
Cong. 3.
- Tit. 6. 26 Coadiutores temporales, qui inser- P. 6. c.
d. 16. uendi Missis officium habent, clericali pi- 3. lit. B.
leo utantur. Quod si alicubi expedire iudi-
cetur, ut, dum inseruiunt, superpelliceo
utantur, petatur facultas à Patre Gene-
rali.
- Tit. 6. 27 Obseruetur circa vestitum Sacerdo P. 6. c.
d. 30. rum mortuorum, quod de viuētibus dici- 4. §. 3.
P. 6. c. tur in Constitutionibus; ut scilicet utamur
2. §. 15. eo modo, quo Sacerdotes honesti eius re-
gionis, in qua versamur, uti solent. Fratres
vero, qui Sacerdotes non sunt, sepeliantur
eo modo induti, quo alij Clerici honesti,
qui Sacerdotes non sunt, sepeliri solēt {po-
Ex 4. terit tamē Pater Generalis dispensare, ubi
Cong. visū illi fuerit magis in Domino expedire
d. 6. ad cōmunē ædificationē, ut nō Sacerdotes
in eo

CONGREG. GENERALIS. 7

in eo vestimenti genere sepeliatur, quo dū viuerent, utebantur. } Quod autē attinet ad Officiū pro defunctis, Constitutiones seruentur, vbi in Ecclesia nostra funus celebratur, & numerus sufficiens nostrorum erit: vbi enim alterutrum deesset, possent externi vocari ad funera nostrorum.

Tit. 6.
d. 6.

28 Si Præpositus Generalis extra Urbē mitteretur, vel sponte iret, nō ad tēpus breue, arbitrio ipsius relinquendum est, an aliquos ex Assistentibus secum habere debeat, necne, prout negocia cōficienda, erūt plura, vel pauciora: vt socium tamen semper aliquem eorū apud se habere deberet.

Circa
8. p. Cō
sti. c. 1.
§. 7.

Tit. 6.
d. 32.

29 Poterit Præpositus Generalis Prouincialibus iniūgere, vt quotannis visitēt Domos, & Collegia suarum Prouinciarū; vel eorū arbitrio id relinquet, & ipsemet Cōstitutiones in hac parte interpretetur.

P. 8. c.
1. §. 7.

Tit. 6.
d. 27.

30 In mēsa, Sacerdotes præcedēt alios ad eū gradū non promotos; inter ipsos autē Sacerdotes, aut inter ceteros, qui Sacerdotes non sunt, nullus ordo constituatur.

P. 8. c. 7
§. 2.

Tit. 6.
d. 37.

31 De carceribus tenendis ius quidem est penes Societatem, vsus autem Præposito relinquitur.

Circa
9. p. Cō
sti. c. 3.
§. 10. &

Tit. 1.
d. 1.

Can. 23

Cōg. 4.

* Ex 4.

Congr.

d. 69.

32 Non expirat potestas Prouincialium, & aliorum officialium per mortem Præpositi Generalis, nec per electionē noui; neq; licet eidem Præposito mutare huiusmodi officiales { * qui ab ipso Generali creātur }

11.
P. 9. c. 3
§. 18. &
15.

vsque ad dissolutionem Congregationis, nisi eidem Congregationi aliquem esse mutandum videretur.

Tit. 6. 33 Commissarij non erunt officiales or P. 9. c. 3.
dec. 12. dinarij, sed prout visum fuerit Præposito S. 20.
& 13. Generali expedire. Post mortem vero
Can. 35 Præpositi expirat {in * Europa} Commis-
Cong. 2 sariorum potestas. Nec ratione officij suf-
* Ex. 4. fragium habebunt ad electionem noui
Cong. Præpositi, nisi alioqui eligerentur inter
can. 23. illos ternos de ea Prouincia, in qua versa-
buntur tempore Congregationis Prouin-
cialis; ad quam vocari debebunt, & eligi
poterunt, vt veniant ad Congregationem
Generalem.

Tit. 6. 34 Cum dicatur capite quarto nonæ P. 9. c. 4
d. 3. partis, prouidentiam Societatis circa Præ- S. 2. 3. &
positum Generalem esse primum circa ex- 4. & c. 5.
terna, secundo circa corpus, tertio circa S. 2.
animam; & in capite sequenti dicatur, quod per Assistentes exerceat Societas hæc prouidentiam, qui in tribus dictis, dicent, & facient, quod in Domino iudicauerint expedire; Declaratur, quod verba illa, Dicere, & Facere, ita sunt intelligenda, vt coniunctim ad tria referantur; Facere quidem, & Dicere, ad duo priora, Dicere vero, idest Admonere per personam ad id deputatam, ad tertium tantum.

Tit. 6. 35 Sine consensu Societatis non potest P. 9. c. 5.
d. 5. dimitti officium Assistentis, etiã ob aduer- S. 3.
sam

ſam valetudinem in aere Romano; quod ſi per Societatem id licebit, Conſtitutionum ordo in alio ſubſtituendo ſeruetur.

Tit. 6.
d. 7.

36 Si Pontifex quempiam ex Aſſiſtenti-
tibus aliquò mittere vellet, diſcretioni Ge-
neralis relinquitur, an eum informare de-
beat, vt potius alium mittat: vt pluri-
mum tamen informari ab eo Pontificem
oportet.

P. 9. c. 5
ſ. 3.

Tit. 6.
d. 4.

37 Si mittatur Aſſiſtens à Præpoſito
extra locum, in quo ipſe reſidet; non ſe ex-
cuſare debet, ſed obedire. Ipſius tamen
Præpoſiti erit, Conſtitutionum meminiſ-
ſe, quæ non eſſe facile ablegandum quem-
piam Aſſiſtentium ſtatuunt.

P. 9. c. 5
ſ. 3. lit.
A.

Tit. 6.
d. 8.

38 Si male ſe gereret Aſſiſtens a deo, vt
indignus videretur eo loco, poſſet interim
ſuſpendi ab officij executione à Præpoſi-
to Generali; non tamen omnino remoue-
ri, niſi de conſenſu Societatis, iuxta Con-
ſtitutiones: poterit tamen alius à Præpo-
ſito conſtitui, prout illæ dicunt in caſu
mortis, & diuturnæ abſentiæ.

P. 9. c. 5.
ſ. 3.

Tit. 6.
d. 10.

39 Licet in vnâ personam coincide-
re poſſit Secretarij, & Aſſiſtentis officium,
melius eſt tamen diuerſis personis hæc of-
ficia committi.

P. 9. c. 6.
ſ. 8.